

緣遺簡得二詩其一曰生我於虛置我於無至精爲神元無爲軀散陽爲明合陰爲符形爲灰土神與仙俱眾垢將畢萬事永除其二吾駕時馬日月爲衛洞躍九霄上謁天帝明明我眾及我門人僞道養形真道養神懋哉懋哉餘無所陳

徐鈞塗心錢朗補腦

續仙傳徐鈞者不知何許人自稱蓬萊釣者常腰一葫蘆掉扁舟泛五湖所得魚沿江博酒吟咏而歸或見疾病者取藥一粒如麻子許令人以酒塗心上皆安或有問之此藥可食否曰可食恐憎飯耳有好事者吞之自然絕食人方信之一旦遁去

道藏輯要

三洞羣仙錄

三

翼集四
川文

又錢朗登甲科累歷清顯所治皆有遺愛後棄官入廬山遇人得還元補腦之術年一百五十歲其顏如童子有玄孫數人出仕皆皓首朗一日與別云我處世多年道爲上清所召今當往矣遂解化去

伯高方臺玄解真島

真誥東卿君曰龍伯高漢人也伏波將軍戒其兒子稱此人
之佳可法伯高後從仙人刁道林授胎息之法託形醉亡隱
處方臺

廣記祈玄解老而顏童靈宗異之召問曰先生年高而色不老何也答曰臣海上常食靈芝故得然也遂剋木作海上三